



XUNTA DE GALICIA

CONSELLERÍA DO MAR

galicia



UNIÓN EUROPEA


Fondo Europeo Marítimo e de Pesca

CONVENIO DE COLABORACIÓN ENTRE A CONSELLERÍA DO MAR DA XUNTA DE GALICIA E A ASOCIACIÓN DE FABRICANTES DE CONSERVAS DE PEIXES E MARISCOS (ANFACO-CECOPESCA) PARA A PROMOCIÓN E A MELLORA DA COMERCIALIZACIÓN DAS CONSERVAS DE PRODUTOS PESQUEIROS NO ANO 2018

En Santiago de Compostela, o día **08 MAR. 2018**

, na sede da Consellería do Mar,

REUNIDOS



Dunha parte, Dona Mercedes Rodríguez Moreda, en calidade de directora xeral de Pesca, Acuicultura e Innovación Tecnolóxica, actuando en nome e representación da Consellería do Mar, por delegación da conselleira, en virtude das facultades delegadas que lle confire a ORDE do 8 de setembro de 2017, da mesma consellería, publicada no DOG Núm. 180, 21 de setembro, e de conformidade co Decreto 177/2016, do 15 de decembro, polo que se fixa a estrutura orgánica da Vicepresidencia e das consellerías da Xunta de Galicia e do decreto 168/2015, do 13 de novembro, que aproba a estrutura orgánica da Consellería do Mar.

E doutra, D. Juan Manuel Vieites Baptista de Sousa, con DNI n.º 35.991.928-X, en representación da Asociación Nacional de Fabricantes de Conservas de Pescados y Mariscos - Centro Técnico Nacional de Conservación de Productos de la Pesca (en adiante ANFACO-CECOPESCA), coas facultades recoñecidas na escritura de apoderamento de data 30/07/2009, outorgado ante o Notario do Ilustre Colexio de Galicia, D. José Pedro Riol López e co n.º de protocolo 1992.

DILIXENCIA: Para facer constar que a presente fotocopia foi compulsada co seu orixinal, co que concorda fielmente Santiago, 22-3-2018



Asda Ramiro Reda Lasele



EXPOÑEN

PRIMEIRO:

Que a actividade pesqueira, marisqueira e acuícola é un dos principais motores da economía galega que sitúa a Galicia, pola riqueza da súa produción, como a primeira das comunidades pesqueiras da Unión Europea.

SEGUNDO:

Que o Estatuto de Autonomía de Galicia atribúe á Comunidade Autónoma, no seu artigo 28º, a competencia para o desenvolvemento lexislativo e a execución da lexislación do Estado no ámbito da ordenación do sector pesqueiro. Neste sentido o artigo 3.4 da Lei 11/2008, do 3 de decembro, de pesca de Galicia, modificada pola Lei 6/2009, do 11 de decembro, inclúe dentro das materias correspondentes á competencia da Comunidade Autónoma as relativas á ordenación do sector pesqueiro galego, á ordenación das estruturas, aos mercados, á comercialización, á manipulación, á transformación e á conservación dos produtos pesqueiros e a promoción das estruturas de comercialización mediante o apoio aos sectores produtivos na distribución dos produtos do mar.

Neste sentido a Consellería do Mar ten entre os seus obxectivos prioritarios a potenciación, difusión e promoción dos sectores e produtos pesqueiros galegos, co fin de intensificar o coñecemento dos mesmos e incrementar así a súa competitividade.

TERCEIRO:

Que a ANFACO-CECOPESCA, asociación representativa, sen ánimo de lucro, da práctica totalidade do sector conserveiro dos produtos pesqueiros, conta entre os seus fins a realización de todas aquelas accións encamiñadas á promoción dos produtos derivados da pesca, o marisqueo e a acuicultura. Sendo a única asociación do sector conserveiro, capacitada para executar o investimento inmaterial obxecto deste convenio de colaboración, polo que non sería posible promover a ~~concorrenza competitiva~~ con outras asociacións do sector.

Para facer constar que a presente fotocopia foi compulsada co seu orixinal, co que concorda fielmente Santiago, 12-3-2013



Asdo.



Que por canto a Consellería do Mar e a ANFACO-CECOPECA están interesados na potenciación do sector da conservación e transformación dos produtos pesqueiros en Galicia, así como na mellora da situación socioeconómica das xentes que viven desta industria, polo que cómpre establecer as condicións que permitan a coordinación de accións de promoción das conservas de produtos pesqueiros.

No marco do presente convenio desenvolveranse diversas accións de promoción do sector e mellora da comercialización: xornadas claves de futuro para o sector, clases maxistras de cociña, prospección de mercados, simposio de innovación, edición de libro, promoción de conservas durante o Camiño de Santiago e estudo sobre a competencia do mercado na UE (Francia e Alemaña).

CUARTO:

Que as partes anteriormente referenciadas consideran de mutuo interese a realización dunha serie de accións que redunden nunha mellora do sector conserveiro e as industrias relacionadas en materias tales como comercialización, promoción e fomento do consumo de produtos transformados.

QUINTO:

Que para o desenvolvemento das actividades que se indican máis adiante, as partes, de forma conxunta, dispoñen de medios humanos e materiais suficientes.

Na súa virtude, e dada a existencia dun interese coincidente, ambas partes acordan formalizar o presente convenio de acordo coas seguintes

CLÁUSULAS

PRIMEIRA.- OBXECTO DO CONVENIO.

O obxecto do presente convenio é establecer as bases de colaboración entre a Consellería do Mar e ANFACO-CECOPECA para a coordinación de accións de promoción das conservas de produtos pesqueiros e a mellora da súa comercialización. As accións específicas que se van realizar derivadas deste obxecto son as que seguen:

DILIXENCIA: Para facer constar que a presente fotocopia foi compulsada co seu orixinal, co que concorda fielmente Santiago, 22.3.2012



Asdo:

Domiro Varela



1. Xornadas sobre claves de futuro para o sector

O sector industrial transformador e conserveiro de produtos da pesca e da acuicultura de Galicia, no contexto actual, ten dada cada vez maiores esixencias empresarias que deben ser atendidas para así lograr un crecemento e expansión do sector.

Para poder abordar estas esixencias empresariais, considérase axeitado realizar catro xornadas coas seguintes temáticas: internacionalización, competitividade, seguridade, calidade alimentaria e innovación.

2. Clases maxistrais de cociña

Os produtos do mar son un elemento esencial para poder levar unha vida sa e saudable, e coas conservas de peixes e mariscos os consumidores poderían lograr cubrir unha gran parte das súas necesidades diarias de proteínas e vitaminas, pero moitas veces o problema que teñen estes consumidores é saber como poder preparalas.

Por iso, considérase cada vez máis importante o ensinar como poder elaborar e presentar pratos con conservas de peixes e mariscos, e por iso organizaranse seis clases maxistrais de cociña con conservas de peixes e mariscos para demostrar a versatilidade destes produtos.

Como público obxectivo para estas clases de cociña maxistrais considéranse aos cociñeiros do fogar, pero tamén aos cociñeiros da restauración, para así ofrecerlles ideas e receitas de elaboración e presentación con conservas de peixes e mariscos, así como tamén os consumidores do futuro.

3. Prospección de mercados

Os mercados que requiren unha maior atención son: o americano, o asiático e o europeo

DILIXENCIA: Para facer constar que a presente fotocopia foi compulsada co seu orixinal, co que concorda fielmente
Santiago, 22-3-2007



Asdo.:

Ramiro Varela Laredo



o Mercado americano

- Visita a feira Fancy Food de Nova Iork, onde o sector conserveiro contará cun stand dentro do pavillón español, e onde durante esta viaxe se coñecerá o mercado americano visitando distintos puntos de venda e realización dunha análise da oferta de produtos da pesca e a acuicultura neste mercado, elaborando un informe dos requisitos necesarios para comercializar produtos do mar e a acuicultura de Galicia nese mercado, así como unha análise do comercio actual galego en USA e cales son as principais innovacións que se comercializan.

o Mercado asiático

- Visita á feria Seafood Hong Kong, visita a distintos puntos de venda e realización dunha análise da oferta de produtos da pesca e da acuicultura en Hong Kong e informe dos requisitos necesarios para comercializar produtos do mar e da acuicultura de Galicia en ese mercado. Realización de degustación durante a feira de Hong Kong.
- Presenza na feira SIAL Shanghai con un pequeno stand de promoción. Visita a distintas puntos de venda e realización dunha análise da oferta de produtos da pesca y da acuicultura en China e informe dos requisitos necesarios para comercializar produtos do mar e da acuicultura de Galicia nese mercado.

o Mercado europeo

- Visita á feira de SIAL París, visita a distinto puntos de venda e realización dunha análise da oferta de produtos da pesca e da acuicultura no mercado francés. Realización de degustación durante a feira de SIAL.

DILIXENCIA: Para facer constar que a presente fotocopia foi compulsada co seu orixinal, co que concorda fielmente Santiago, 22-3-2012



Asíno

Ramiro Varela Laredo



4. Simposio de innovación

A innovación se ten convertido nun factor de referencia no progreso da economía mundial, e é neste factor onde o sector industrial transformador de produtos do mar e da acuicultura está cada vez máis concienciado que deben dirixirse moitos dos seus esforzos.

Por iso, se considera de gran interese para o sector industrial transformador de produtos do mar e da acuicultura de Galicia, a realización dun simposio dirixido a innovación, que contribúa a unha maior concienciación nas industrias de Galicia da importancia de buscar a innovación das empresas para lograr a oferta duns produtos con maiores vantaxes competitivas.

5. Edición de Handbook "Patógenos y enfermedades en Cefalópodos Europeos"

É de interese a edición dun libro que sexa deseñado como un manual curto e fácil de seguir, onde o lector pode familiarizarse con aspectos fundamentais da anatomía funcional e a histoloxía, técnicas de necropsia e análise histopatolóxica, así como a identificación dos diferentes patóxenos e enfermidades en cefalópodos europeos.

6. Promoción das conservas durante o Camiño de Santiago pola ruta da prata

O Camiño de Santiago tense convertido nun espazo de atracción turística onde cada ano máis peregrinos o fan polas súas distintas rutas, e por iso se considera como un escenario idóneo para a promoción das conservas de peixes e mariscos de Galicia.

Como cada ano as rutas alternativas a tradicional van gañando peregrinos, por iso se considera adecuado facer esta campaña de promoción cunha food-truck pola ruta de prata, pasando polas catro comunidades autónomas ca conforman.

DILUXENCIA: Se facer constar que a presente fotocopia foi compulsada co seu orixinal, co que concorda fielmente Santiago, 22-3-2013



Assda. Ramiro Varela Laredo



7. Estudo-análise da competencia no mercado da UE

Considerase axeitado avaliar a calidade e o grao de cumprimento da normativa comunitaria en materia de seguridade alimentaria, etiquetado e publicidade, das conservas de túnidos procedentes de terceiros países, e comercializados en dous dos principais mercados da Unión Europea: Francia e Alemaña.

SEGUNDA.- CONDICIÓN S ECONÓMICAS.

A Consellería do Mar contribuirá á realización das accións comprendidas no obxecto do presente convenio cunha achega económica, que ten como finalidade compensar a ANFACO-CECOPESCA polos gastos nos que incorre como consecuencia de levar a cabo as actuacións obxecto do convenio, cifradas na cantidade de cento corenta e sete mil seiscientos vinte euros (147.620,00 €), con cargo á aplicación orzamentaria 2018.14.02.723B.640.0, código de proxecto 2016 00286S, dos presupostos xerais da Comunidade Autónoma de Galicia para 2018, sendo esta partida económica axeitada para asumir o custo desta acción por considerarse pola súa propia natureza como un activo configurado como un investimento de carácter intanxible que deberá incrementar o valor das políticas públicas acometidas pola Consellería do Mar neste ámbito e que non dará lugar a investimentos reais de carácter material.

As actuacións recollidas no presente convenio son financiáveis, nun 75 %, co Fondo Europeo Marítimo da Pesca (FEMP). Faise constar tamén a elixibilidade da actuación que se pretende a través da contratación que se propón no marco da Prioridade da Unión, Obxectivo e Medida do FEMP: 5.1.3: Medidas de comercialización, prevista no artigo 68 do Regulamento (UE) 508/2014, do 15 de maio. Esta participación farase constar en todas cantas actuacións se realicen ao abeiro deste convenio.

ANFACO-CECOPESCA empregará a totalidade da achega económica desta cláusula nas accións derivadas do obxecto deste convenio, non obtendo ningún beneficio económico desta consignación orzamentaria.

Poderanse facer pagos parciais contra da presentación das facturas polos investimentos inmateriais realizadas, ás que se xuntarán as memorias de cada actividade e as certificacións actualizadas expedidas por cadansúa administración que acrediten que a entidade está ao corrente nas súas obrigas tributarias e sociais, así como que non ten débedas pendentes contraídas coa administración da Xunta de Galicia. As facturas

PREVENCIÓN: Para fins de control, a presente fotocopia foi compulsada co seu orixinal, e a súa veracidade foi confirmada en Santiago, 22-3-2017.



Asdo:

Román Vázquez Loreda



deberán ser conformadas pola Dirección Xeral de Pesca, Acuicultura e Innovación Tecnolóxica para estes efectos.

Para facer efectivo o último pagamento presentarán a memoria final á que se fai referencia na cláusula terceira seguinte.

TERCEIRA.- OBRIGAS

ANFACO-CECOPESCA obrígase a realizar as accións especificadas na cláusula primeira do presente convenio.

No marco do presente convenio, ANFACO-CECOPESCA obrígase a facer constar a participación da Consellería do Mar nas exhibicións publicitarias que teñan lugar no marco deste convenio.

Finalmente presentará diante da Consellería do Mar unha memoria descritiva da realización do obxecto do convenio.

CUARTA.- RÉXIME DE PERSOAL

A realización das actuacións previstas neste convenio non levará consigo ningún tipo de relación de carácter laboral entre a Consellería do Mar e as persoas que interveñan ou puideran intervir na súa execución, sendo a ANFACO-CECOPESCA responsable das obrigas sociais e laborais que se puideran derivar da contratación, pola mesma, do referido persoal.

QUINTA.- SEGUIMENTO.

Aos efectos de coidar do cumprimento de estipulado no presente convenio créase unha Comisión de Seguimento do mesmo, que estará composta polo xefe do Servizo de Mercados, en representación da Consellería do Mar, e pola responsable de Promoción de ANFACO-CECOPESCA. A dita comisión, que se xuntará a petición de calquera das partes, será o mecanismo de actuación conxunta para garantir a efectividade do convenio.

DILIXENCIA: Para facer constar que a presente fotocopia foi compulsada co seu orixinal, co que concorda fielmente
Santiago, 22-3-2018



Asdo.

Rocio Varela Laredo



Neste senso, ANFACO-CECOPESCA atenderá ás indicacións, suxestións e requirimentos que se lle formulen desde a Consellería do Mar en relación co obxecto do presente convenio.

SEXTA.- VIXENCIA.

A vixencia do presente convenio estenderase desde a súa sinatura e ata o 30 de decembro de 2018, non sendo susceptible de prórroga.

SÉTIMA- RESOLUCIÓN.

Serán causa de resolución do convenio o mutuo acordo das partes e o incumprimento das cláusulas contidas no mesmo.

OITAVA.- CARACTER DO CONVENIO

Este convenio ten a natureza dos previstos no artigo 4.1.d do Real decreto legislativo 3/2011, do 14 de novembro, polo que se aproba o texto refundido da Lei de contratos do sector público e o seu réxime xurídico virá determinado polas estipulacións previstas no propio convenio e os principios xerais resultantes da citada Lei.

NOVENA.- LITIXIOS.

As cuestións controvertidas xurdidas sobre a interpretación, modificación, resolución e efectos que puideran derivarse da aplicación do presente convenio deberán ser solucionadas pola Comisión de Seguimento á que se refire a cláusula quinta anterior. Se non se puidera alcanzar dito acordo, as posibles cuestións litixiosas serán de coñecemento e competencia da orde xurisdiccional contencioso- administrativa.

DILIXENCIA: Para facer constar que a presente fotocopia foi compulsada co seu orixinal, co que concorda fielmente Santiago, 22-3-2018



Asdo.:

Ramiro Varela Loade



DÉCIMA. AUTORIZACIÓN PARA A PUBLICACIÓN DOS DATOS DOS ASINANTES
NO PORTAL DE TRANSPARENCIA

Consonte ao establecido nos artigos 12 a 16 da Lei 19/2013, de 9 de decembro, de transparencia, acceso á información pública e bo goberno en concordancia cos artigos 24 e 25 da Lei 1/2016, do 18 de xaneiro, de transparencia e bo goberno, os asinantes outorgan o seu consentimento para que os datos persoais que constan no convenio e mais no resto das especificacións contidas no mesmo poidan ser publicadas no Portal de Transparencia e Goberno Aberto.

E para que así conste, en proba de conformidade e previa a súa lectura, as partes asinan o presente convenio por triplicado exemplar e a un só efecto no lugar e data ao comezo indicados.

Pola Consellería do Mar


Por ANFACO-CECOPESCA

P.D. (Orde do 8-09-2017, DOG nº 180,
do 21-09-2017)

A directora xeral de Pesca, Acuicultura e
Innovación Tecnolóxica


Mercedes Rodríguez Moreda

O secretario xeral


Juan Manuel Vieites Baptista de Sousa

DILIXENCIA: Para facer constar que a
presente fotocopia foi compulsada co
seu orixinal, co que concorda fielmente
Santiago... 22-3-2018



Asdo.

Ramiro Varela Laredo